



Broj: 04-40-1-205/25
Sarajevo, 25.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 24.07.2025. do 08:30 sati 25.07.2025. godine

U izvještajnom periodu Kantonalni operativni centar civilne zaštite zaprimio je dvije informacije o pronalasku NUS-a i to:

- dana 24.07.2025. godine u 13:25 sati, od Općinskog operativnog centra civilne zaštite Novi Grad, da je u ulici Tjepovački put br.171, (MZ Dobroševići) pronađeno jedno nepoznato neeksplozivno ubojno sredstvo;
- dana 24.07.2025. godine u 14:10 sati od Općinske službe civilne zaštite Ilidža, da je u ulici Ivana Brkića br.11 (MZ Otes) pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 21 intervenciju.

Veća intervencija bila je jučer u 19:28 sati u ulici Remze Ahmetović br.142 (naselje Stup, Općina Ilidža) na gašenju privatne kuće. Vatrogasci su požar lokalizovali u 19:49 sati a likvidirali u 20:50 sati. U gašenju je učestvovalo 9 vatrogasaca sa dva vatrogasna vozila. Prema podacima iz PVJ, jedno lice je lakše povrijeđeno.

Manje intervencije: šest intervencija na gašenju niskog rastinja, četiri na gašenju kontejnera sa smećem, po jedna na gašenju automobila i stuba za prijenos električne energije i osam obezbjeđenja (sedam pretakanja goriva na Aerodromu i jedna nogometna utakmica).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive,

Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 24.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu "Curine njive ispod igrališta" – dio šumskog zemljišta). U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje drenažnih kanala i kontrolisana odvodnja vode iz tijela klizišta do najbližeg recipijenta. Usljed atmosferskih uticaja prisutna je erozija dijela zemljišta.

Prilikom redovnog obilaska lokaliteta, vizuelnim pregledom je utvrđen dotok vode iz pravca deponije, koji se ulijeva u drenažni kanal. Daljnjim pregledom terena, na površini tzv. igrališta uočena je pojava manjih pukotina, kao i slijeganje tla u blizini sonde za mjerenje kretanja tla, koja se nalazi na samom igralištu. Vidljivo je pucanje betona kojim je cijev sonde bila pričvršćena za tlo. Navedene promjene mogu, ali i ne moraju biti rezultat kretanja tla, jer postoji mogućnost da su nastale uslijed velikih temperatura i isušivanja površinskog sloja zemljišta. U donjem dijelu ispod igrališta primijećena je prisutna vlaga u tlu, kao i blaga erozija, izražena kroz osipanje zemlje niz padinu.

Ocjena rizika: Lokalitet je ocijenjen kao uslovno kritičan zbog geoloških procesa tezahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na površini deponije nema prisustva vode, kao ni u rigolu iznad ceste. Površina je suha, ali je uočena blaga erozija tla. Također, nisu primijećena nova dovlačenja zemljanog niti drugog materijala na deponiju. Napominjemo da je u donjem dijelu deponije konstantno prisutno blatnjavo tlo, kao i plavne površine, što ukazuje na zadržavanje vode i zasićenost tla u toj zoni.

Ocjena rizika: Slijeganje deponijskog materijala i erozija usljed atmosferskih uticaja.

2. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Na lokalitetu Bistričkog potoka nije zabilježen dotok vode iz pravca Trebevića, gdje je korito potpuno suho. Iz pravca obližnje kaptaže vidljiv je slabiji, gotovo neprimjetan dotok vode, koji se spaja s glavnim tokom, ali ne utiče značajnije na količinu vode u koritu. U samom potoku, na potezu od mosta na Boguševcu prema Latinskoj ćupriji, nema zastoja u protoku vode i tok je nesmetan. U gornjem dijelu korita stanje ostaje nepromijenjeno, i dalje su prisutna oborena stabla i urušene veće stijene, koje djelimično zauzimaju prostor unutar korita i potencijalno predstavljaju prepreku u slučaju povećanog vodostaja.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

3. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze na dan 24. 07.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 24.07.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
115	77	13	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 21°C, vlažnost zraka 56%, barometarski pritisak 942,6 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a